

# Libhulashi lekupenda lemlingo

Indzaba ibhalwe nguWendy Hartmann

Imidwebo idwetjwe nguJiggs Snaddon-Wood



Kukhona live khashane, khashane kakhulu lelibitwa ngekutsi yiShayina. Kwesukasukela, kulelive lelikhashane bekuhlala umfana lomncane ligama lakhe bekunguHo. Ho bekaphuyile, kodvwa alunge kakhulu.

Bekasebenta kamatima kute atfole imali leyenele kutsi atsenge kudla.

Nanoma-nje Ho bekaphuyile, bekabasita labanye bantfu lapho abengakhona khona. Ho futsi bekatsandza kupenda futsi bekapenda noma nini uma anesikhatsi.



Ngalobunye busuku, waphupha mkhulu imnika libhulashi lekupenda lemlingo.

“Unenhliyo lenhle,” kwasho lomkhulu ephusheni lakhe.

“Ngiyabona kutsi uyakutsandza kupenda. Nali libhulashi lekupenda lemlingo. Ngifuna kutsi utsembise kutsi utalisebentisela kusita bantfu.”



Ho watsi nakavuka, watfole lelibhulashi lekupenda lemlingo lilapha dvute naye.

“Wo,” kwasho yena, “Bengicabanga kutsi bekumane kuliphupho-nje.”


Kusukela ngalelo langa kuchubekela embili, wasebentisa lelibhulashi lekupenda noma nini bantfu nabadzinga lusito.

“Ho,” kwamemeta bantfu emasimini. “Sekute emanti emtfonjeni wetfu. Sidzinga kunisela tilimo tetfu.”

Ngako-ke Ho wabapendela umfula. Asawupenda, lomfula wavela ngemlingo nebantfu bakhona kunisela tilimo tabo.

Ngaleso sikhatsi Ho wabona kutsi labantfu banebulukhuni bekulima lomhlaba, ngako-ke wabese sewupenda inkhomo kanye nelikhuba lekulima kute kutsi kubasite. Ngaso sonkhe sikhatsi nakabona kutsi lomunye udzinga lusito, abesebentisa lelibhulashi lakhe lekupenda. Masinyane-nje bantfu labanyenti bati ngaHo nelibhulashi lakhe lemlingo.

Ekuhambeni kwesikhatsi, indvodza leyinginga yeva ngalelibhulashi lekupenda. “Lelo bhulashi lekupenda litawuba lami,” kwasho yona yase ihlela kutsi ingalintjontja njani. “Ngitakwenta imali leningi kangangekutsi kutawuba ngimi indvodza lenjinge kwendlula bonkhe bantfu kulo lonkhe lelive.” Ngakusasa yatfumela umlayeto wekutsi kulandvwe Ho.



“Ngifuna kutsi weluse tinkhomo tami namuhla,” kwasho yona. “Ngekuhlwa kwalamuhla ngitakukhokhela kahle kakhulu.”

Ho wabajabula futsi watelusa letinkhomo talendvodza lenjingile.

Kodvwa kusihlwa, esikhundleni sekutsi akhokhelwe, wafakwa ejele nelibhulashi lakhe lekupenda lemlingo latsatfwa.



“Untjontje yinye yetinkhomo tami,” yacamba emanga indvodza lenjingile. “Lelibhulashi litawukhokhela loku lakwentile.” Ekugcineni, yacabanga, lelibhulashi lekupenda lemlingo ngelami.

Lendvodza lenjingile yamema bonkhe bangani bayo kutsi bete ekhaya layo.

“Hlalani phansi nibukele loku,” kwasho yona. Yabese seyipenda titfombe letinyenti ngalelibhulashi lekupenda lemlingo.

Wonkhe umuntfu walindza, futsi walindza ... futsi walindza, kodvwa kwangete kwaphuma ngisho nasinye sitfombe siphila.

“Yini lena leyentekako?” kwamemeta lendvodza lenjingile.

“Hambani niyolandza Ho bese nimletsa lapha!”

Ho waletfwa kulendvodza lenjingile. Kodvwa ngalesikhatsi Ho abesati kutsi lendvodza inemona futsi inelunya.

“Uma ungipendela letinye titfombe ,” kwasho lendvodza lenjingile, “tibese tiyagucuka tiyaphila, ngitakukhokhela bese ngiyakukhulula.”

Ekucaleni Ho bekangati kutsi kuyini lekufanele kutsi ayente. Ngaleso sikhatsi, waba nembono. “Yebo, ngingakwenta loko,” kwasho Ho.”

“Intfo yekucala lengifuna uyipende yintsaba LENKHULU KAKHULU leyentiwe ngeligolide,” Kwasho lendvodza lenjingile.

“Ngifuna kugcogca lonkhe leligolide.”

Ho walitsatsa libhulashi lakhe lekupenda lemlingo wase upenda lwandle. Loku kwenta lendvodza lenjingile yatfukutsela.

“Kungani upende lwandle? Angilufuni lwandle. Ngifuna intsaba leyentiwe ngeligolide. Njengamanje sheshisa bese uyayipenda.”

Ngako-ke Ho wapenda intsaba leyentiwe ngeligolide ngakulolunye luhlangotsi lwalolwandle. “Kufanele wewele lolwandle kute uyofika lapha,” kwasho yena.


“Ngako-ke sheshisa upende umkhumbi lomkhulu kuze kutsi ngitokwati kwewela lolwandle,” kwasho lendvodza lenjingile.



Ho wamoyitela wabese upenda umkhumbi lomkhulu. Abesengakacedzi nekuwupenda ngesikhatsi lendvodza lenjingile izuba ingena ekhatsi kulomkhumbi.

Masinyane umndeni kanye nebangani bayo nabo bazuba bangena ekhatsi base bayantjweza bayewela.

Ho wababuka ngekurophelela. Walindza lomkhumbi wate wefika emkhatsini walolwandle, ngaleso sikhatsi wapenda ligagasi lelikhulu. Leligagasi lasheshisa lacondza ngakulomkhumbi. Latsi naselisondzele – PHIHILI! Lambonya lomkhumbi futsi lawephula waba tincetu letiyinkhulungwane.



Emva kwaloko, Ho waphila ngekujabula. Abenekudla lokwenele

latokudla. Bekabasita bantfu nabakudzinga futsi wapenda titfombe letinyenti ngekutsandza kwakhe. Ngaletinye tikhatsi bekabuka ngesheya kwalolwandle kulentsaba leyentiwe ngeligolide. Kute namunye lowake waya lapho ngoba bekunganalutfo ngaphandle kweligolide. Yebo ... kute lutfo ngaphandle kweligolide, tincetu temkhumbi lowephuka kanye nendvodza lenjingile letfukutsele, umndeni wayo nebangani bayo bonkhe.



## KHOMBISA LIKHONO LAKHO LEBUCIKO!

Ticabange unguHo futsi unelibhulashi lekupenda, ngelibhulashi lakho lemlingo dweba tonkhe tintfo takho longatipendela tona netemndeni noma tebangani bakho.



# Libhulashi lekupenda lemlingo

Indzaba ibhalwe nguWendy Hartmann • Imidwebo idwetjwe nguJiggs Snaddon-Wood



## Lokubukwako

Lenzaba icala eShayina. Buka emephini yemhlaba bese uffola iShayina kuyo. Bese uffola live lohlala kulo. Ingabe live lakho likhulu noma lincane kunelaseShayina? Lidvutane noma likhashane? Ungahamba njani kuyofika kulo?



## Kufundza


Bani ngumpheni wenzaba! Tfola emagama endzabeni lakutjela kutsi

- ★ Ho bekangumunfu lonemusa
- ★ lomlingo losebhulashini lekupenda awukasebenti kulendvodza lenjingile
- ★ lendvodza lenjingile beyikulangatelela kuya entsabeni yegolide
- ★ Ho akatange asebentise libhulashi lekupenda lemlingo kutenta anjinge.



## Kubhala

Kube bewunelibhulashi lekupenda lemlingo lelinjengelaHo, ngutiphi tiifombe lebewungatipenda kusita labanye bantfu? Hlukanisa lishadi leliphepha libe ngemakholomu lamabili. Kukholomu yekucala, bhala luhlu lweitfombe longatipenda. Kukholomu yesibili, bhala sizatfu lesiyinhloko lesingenta ufune kupenda ngasinye saletifombe.



## Umsebenti wetandla

Sebentisa inhlama yekudlala noma libumba kwenta tiifombe teluhlobo lwe-3-D letifana naleto letipendwe ngu-Ho.

## Kulingisa

Coca indzaba yakho ngelibhulashi lekupenda lemlingo. Libukeka njani? Ngutiphi tintfo letikhethetseke lelingatenta? Ngubani umnikati walo?

